

LXXXIX

صافی: ۸

تابس ۱۳۳۳ - ۱۹۱۷

سہ: ۲

دَارُ الْفُنُونِ

جہوں فافا کو لیتا محمد علی

حقوق، سیاسیات، اقتصادیات

ایک آبدہ برنر اولنور

مندرجات:

قسم حقوق:

- شریعت وقانون [منصوری زادہ سعید]
مناط تکلیف عقلدر [صادق]
مکتب تاریخی وعثمانی حقوقک منبعری [ولی الدین]
حرب زمانندہ ره کیزیسونلر [احمد صلاح الدین]

قسم اقتصادی:

- آکائیادہ رسوم و تکالیف [آنتون فلهق]

استانبول - مطبعہ عامرہ
۱۳۳۲ - ۱۳۳۴

قسم اقتصادی

آلماياده رسوم و تكاليف

— ٤ —

۱۹۰۹ سنهسى ۱۲۶ بيجى ميلون مارق آچىق ايله ۱۹۱۰ و ۱۹۱۱ سنه حسابيه لرى ۱۱۷۷ ، ۲۴۹۱ ميلون مارق فضله واردات ايله قبايمشدر . بوموافق نتیجه يوقا ريده ايضاح اينديكمز وجهله اصلاحاتك بر نتیجه سى اولم يوب بوراده موضوع بحث ايديله ميان ديكر عامللردن نشأت ايمشدر . (اسكى وبركيلر ، كومروك رسومى ، وتمتع ويركىسى حاصلاتك تزايدى) . ۱۵۰ هزاران سنه ۱۹۰۹ سنه سنده فراغ حقنده نشر اولنان قانون احكامى موجبنجه تزايد قيم ويركىسى احداث اولمى سى نتیجه سنده برفضله واردات حاصل اولمشدر . بو ويركىنك نوعه مخصوص يكي برويركو اولدينى ايجون بوقانونك بعض احكامنى ذكر ايتمك لازم كلير . [۱]

بو ويركى اراضينك اثنای فراغده ، سى شخصى نتیجه سنده حاصل اولميان تمته طرح اولنور . او حالده بو ويركى متصرفك دخل وتأثيرى اولمدينى حالده وضعيت موقعه ، تداول وقونزو قوتور نتیجه سنده حاصل اولان تزايد قيمدن آلينيور ديمكدر . تزايد قيم ويركىسك تطبيق تخمينات وتقديرات دولاييسيله برچوق مشكلاته معروض بولينيور . ويركى به تابع اولان تزايد قيم يالكز تفرغ ايله فراغ بدللى آره سنده كى فرقدن عبارتدر بالطبع بايبلان مصارف نظر اعتباره آلينير . ويركى مقدارلى يوزده ۱۰ تزايد قيم وقوعبولورسه ٪ ۱۰

• ۱۹۰ قدر • هر يوزده يكرمى ايجون يوزده برفضله ضم اولنور .
• ۱۹۰ دن ۲۹۰ • قدر هر يوزده اون ايجون
• ۲۹۰ دن يوقارى ايجون يوزده ۳۰ ويركى آلينير .

[۱] Ehler علم مالى ۱۹۱۲ ص . ۲۲۶ ff و a. v o. Wissingr ص ۳۷۱-۳۷۶ .

ملکیتلرک صیق صیق تبدلنه مانع اولوق مقصدیه ملکک مدت دوامی نظر اعتباره آینه رق اوکا کوره ویرکیده تنزیلات اجرا اولنور. ۵۰۰۰ مارقدن دون فیاتله ساتیلان اراضی ضرر و عایله ۲۰,۰۰۰ مارقدن دون فیاتله ساتیلان اراضی غیر ضرر و عایله ویرکیدن معافدر. مأمول اولان ۲۰ میلیون حاصلات برنجی اوج سنه ظرفنده استحصال و تأمین اولنه مامشدر (۱ کانون ثانی سنه ۱۹۱۶ تاریخندن اعتباراً) بوتون حاصلات ۱۰,۹۶ میلیون مارقدن عبارت قالمشدر . فقط بوندن صکره کی ایکی سنه ظرفنده حاصلات بودرجه بی پک زیاده تجاوز ایتمشدر :

۲۰,۸۳	۱۹۱۲
۱۵,۳۲	۱۹۱۳
۰,۱۰	۱۹۱۴

۱۹۱۴ تاریخنده حاصلاتک تناقصی ۱ جز: ان سنه ۱۹۱۳ تاریخندن اعتباراً ویرکینک رفع و لغو ایدلمه سندن ایلری کلمشدر . ایلریده بوکا دائر ایضاحات ویرله جکدر .

ایمپراطورلق خزیننه سنه بالجمله حاصلات دکل انجق حاصلاتک یوزده الیمسی عائد بولنیورده؛ دول متحده یه یوزده اون و متباقی یوزده قرق اراضینک کائن بولندیی بلدیله ره عائد ایدی. بویکی حاصلاتدن بشقه ایمپراطورلق خزیننه سنه فراع خرجه و قوعبولان یوزده یوز ضمیمات دخی عائد بولنیورده . بوضم فی الواقع ۱۹۰۹ قانونی موجبجه ترایدقیم ویرکیسی ادحال اولتجیه قدر مرعی لازمکلیرکن بویکی ویرکینک وضعندن صکره الفا اولتجه مشدر .

۱۹۱۰ و ۱۹۱۱ سنه لرنده وقوعبولان فضلّه حاصلاته رغماً آز مدت صکره پک واسع ویرکی تعدیلاتی اجرا اولنمش. بوده احتیاجات دولتک پک زیاده آرتمه سندن ایلری کلمشدر. وضعیت بین الملیه نک سیاست وجوده کتیردیکی احوال نتیجه سنه ۱۹۱۲ سنه سنده قوه عسکریه نک تریدیلده دونمانک تقویه سی لزومی حس ایدلمشدر . بو احوال سنین متعاقبه ایچون یوز میلیون دولار قدر فضلّه بر احتیاج مالی تولید ایتمشدر. ده ابرته سی سنه (۱۹۱۳) رایخستاغ مجلسنه اردو و دونما تنسیقاتی لایحه سی عرض اولنمش بولایحه موجبجه بردفعه لق اوله رق بر میلیار مارق ودائی اوله رق سنوی ۱۸۶ میلیون مارق تخصیصات ویرله سی ایجاب ایدیورده . (۱)

[۱] غرلوف . ایمپراطورلق قوانین مالییه سی ۱۹۱۳ برلین ۱۹۱۴ ص ۱۴۴

۱۹۱۲ لایحہ عسکریہ سنہ مخصوص مصارف دائمہ نک بر قسمہ قارشولق اولق اوزرہ
۱۴ تموز سنہ ۱۹۱۲ تاریخی قانون ایله اسپرتویہ مخصوص نسبی ویرکی یرینہ لیرہ باشنه
۱۰۲۵ مارق بر رسم وضع اولمشدر . [۱]

مقادیر معینہ تی تجاوز ایتمان استحصالات ایچون یاییلان تزیلات Liebesgabe بوصورتله
لغو ایدلمش بولمور . ۱۰۰۵ دن عبارت استهلاک رسمنک قالدیرلمسی نتیجه سنده ایمراطورلق
اداره مالیه سی ۴۰-۳۰ میلیون مارق درجه سنده فضله حاصلات مأمول ایتشدی . فقط
تبدیل شکل ایدن اسپرتو ایچون عینی قانون موجبجه ۱۶۲ میلیون تزیلات اجرایی
ایجاب ایتدیکندن حاصلات بالطبع اونسبتده تناقص ایتشدر . بوقصان حاصلاتی تلافی
ایتمک ایچون اولجه اتخاذ اولتان قرار موجبجه ۱ نیشان سنہ ۱۹۱۴ تاریخنده شکر
استهلاک ویرکیسی ۱۰ مارقه تزیلی ایجاب ایدرکن اسکی ویرکی کافی الساباق ابقا
ایدلمش و ۱ تشرین اول سنہ ۱۹۱۶ تاریخنده اسکی رسم و مک تحصیلنه دوام ایدلمسی
تقرر ایتشدر . بومدت ظرفنده عمومی ملکیت و تصرف ویرکیسی Allgemeine
besitzsteuer وضع اولنورسه بوقرارندن صرف نظر اولنمسی لازمکلیدی بوملکیت و تصرف
ویرکیسی نهایت ۳۰ نیشان سنہ ۱۹۱۳ تاریخنه قدر تکلیف ایدلمسی مصمم ایدی . ملکیت
و تصرف ماهیتی اوجنهی ویرکی تعدیلاتی مناسبته رایخشتاغده وقوعبولان مذاکرات
ایله میدانه چیقمشدر .

A - بردفعه لک بر میلیار تخصیصاته قارشولق اولق اوزرہ فوق العاده وسائطه مراجعت
ایتمک ایجاب ایتشدر . بوقوق العاده وسائط علم مالیده موجود فوق العاده وارداتدن
یعنی استقراضدن عبارت اولمہ یوب سرمایہ دن بردفعه یه مخصوص اولق اوزرہ فوق العاده
بر ویرکی تحصیل اولنمہ سندن عبارتدرکه بوده اداره مالیه ده بر اثر تجدد تشکیل ایدر .
بوصورتله اونه دنبری طلب اولتان عمومی ملکیت و تصرف ویرکیسنه دوضرو برنجی
خطوه آتلمشدر . ۱۹۱۳ اصلاحاتنک اسباب ساقه سی اصول تکلیفده سیاست اجتماعیه
اسانک تطبیقندن عبارت اولمشدر : خلک عوام صنفلری استهلاک ویرکیلرله شدتله

[۱] جنوبی آلمانیا ده ، باویرا ، ووتنبرغ وباده نده نسبی رسم لغو ایدلمہ یوب مقطوع رسم
ایله ذراعه مخصوص تزیلاتل رسوم آرہ سنده لیرہ باشنه ۷ ۱/۲ پفہ نیغ وکوکچک صنایعه مخصوص
تزیلات بالکزه پفہ نیغندن عبارت قالمشدر .

تضییق اولندیغندن زنکین صنوف اهالینک دخی ممکن اولدینی قدر چوق ویرکیلرله مکلف طوتلق ایسته نیلمشدر بوصولته درکه ۱۹۱۳ء سنه سنده طرح اولنان وعسکری ویرکی نامیله معروف اولان بردفعه اق سرمایه ویرکیسیله رفاه حال احصایه مخصوص متزاید بر تصرف ویرکیسی حکمنده در . تأمین معیشت ایچون حد اصغری اوله رق تعیین ایدیلان ۵۰۰۰ مارقدن یوقاری اولان ایرادلر [۱] و ۱۰,۰۰۰ مارقدن یوقاری سرمایه لر ویرکی ایله مکلف طوتلمشدر. ویرکی درجه لر یروجه آتی تعیین اولمشدر :

۱۰,۰۰۰ دن ۵۰,۰۰۰	قدر	٪ ۰,۱۵
اوندن صکره کی ۵۰,۰۰۰	مارق کسورائی ایچون	٪ ۰,۳۵
۱۰۰,۰۰۰	"	٪ ۰,۵
۳۰۰,۰۰۰	"	٪ ۰,۷
۵۰۰,۰۰۰	"	٪ ۰,۸۵
۱,۰۰۰,۰۰۰	"	٪ ۱,۱
۳,۰۰۰,۰۰۰	"	٪ ۱,۳
۵,۰۰۰,۰۰۰	"	٪ ۱,۴
بوندن یوقاری اولان سرمایه لر		٪ ۱,۵

(b) ایراد ویرکیسنه مخصوص درجه لر عینی صورته در :

۱۰,۰۰۰ مارقه قدر ٪ ۱ اوندن صکره درجه لر متزاید بر صورته ایلرلیه درک
۱۵,۰۰۰,۰۰۰ مارقه قدر ویرکی ٪ ۷ به قدر چیقار حد اعظمی اولان ٪ ۸
۵۰۰,۰۰۰ مارقدن یوقاری اولان ایراده مخصوصدر . [۲]

بوقانونده کی سیاست اجتماعی نقطه نظری شونکله ده تظاهر ایتمشدرکه سرمایه سی
۱۰۰,۰۰۰ ویاخود ایرادی ۱۰,۰۰۰ مارقدن دون اولوبده اوچ چوق صاحبی
اولانلره ویرکی درجه سی اوچدن صکره کی هریرچوق ایچون یوزده بش تنزیلات

[۱] ویرکی به تابع سرمایه بولندیقی تقدیرده ایراد درجه سی ۱۰۰۰ مارقه تنزیل ایدلمشدر .

[۲] ایراد ۲۰۰۰ دن ۴۰۰۰ قدر اولورسه سرمایه ویرکیسی انجق ۳۰,۰۰۰ مارقدن

یوقاریسی ایچون آلتینیر . ۲۰۰۰ دن اشاغی ایراد ایچون سرمایه ویرکیسی انجق ۵۰,۰۰۰ مارقدن باشلار .

یابیلمشدر . چو جقلر ایچون یابیلان بوتزیلاتدن بشقه عسکرلر ایچون تنزیلات تعیین اولنمشدر : سرمایه سی ۲۰۰,۰۰۰ و ایرادی ۲۰,۰۰۰ مارقدن دون اولوبده خدمت عسکره بی ایفا اتمش اوچ چو جنی بولانلره اوچدن صکره کی هر بر چو جق ایچون یوزده اون تنزیلات یابیلر .

بوصورتله تعیین اولنان ویرکیلرک تأدییه سی ایچون اوچ یحق سنه مدت و اوچ تقسیط تعیین اولنمشدر . [۱] ۱۹۱۶ سنه سنده احوال حربیه دولاییه سیله مالی ایستاتستیکلر نشر اولنمیشی ایچون بوراده یالکیز لایحه قانونیه ده تعیین اولنان رقلر ویریه جکدر :

۱۹۱۴ ۳۹۳,۸ میایون مارق

۱۹۱۵ ۲۲۷,۷ " " "

۹۱۳ سنه سنده ۸۲۰۶۰۰ مارق حاصلات استحصال اولنمشدر .

بر مقصد مخصوص تعقیب ایدن بوتصرف ویرکیسندن بشقه تصرفی تضییق ایدن دیگر ویرکیلر واردر . بو ویرکیلر دائمی مصارفه قارشولق اوله رق تعیین اولنمشدر .
B — اساس اعتباریه تصرف ویرکیسی : عسکری ویرکی کی ملکیت مخصوص ایسه بالذات ملکیت دکل ملکیت قیمتک معین بر مدت ظرفنده ترایدینه تعلق ایدر . اساساً اراضیه مخصوص تراید قیمة مشابه ایسه ده یالکیز اراضیه مخصوص اولوب هر نوع ملکینی ویرکیه تابع طوتیور . ویرکی سیاستی نقطه نظرندن شوراسی نظر اعتباره آله بدرکه ملکیت ویرکیسی مکرر و سرمایه یه مخصوصی بر تراید قیمة ویرکیسندن بشقه برشی دکلدر . چونکه دول اتحادیه ده ملکیتده تراید قیمة ویرکیسی اساساً موجوددی ویرکی سیاستی نقطه نظرندن اک موافق صورتده یعنی قابلیت اقتصادیه نک نظر دفته آلتق صورتیه تطبیق اولتیوردی [۲] .

بالا واسطه اولق اوزره برنجی اولان بویکی ویرکینک ماهیتی حقنده بر فکر پیدا اتمک ایچون تشکیلاتنه بر نظر عطف اتمک لازمکیر .

ملکیت ویرکیسی ۱۰,۰۰۰ مارقدن زیاده اولان بر تراید ملکیته عائددر . فقط بوتزاید

[۱] برنجی تقسیط تخمین و تقدیردن بر سنه صکره ایکنجی تقسیط ۱۵ شباط ۱۹۱۵ و اوچنجی تقسیط ۱۵ شباط ۱۹۱۶ تاریخنده تأدییه ایدیلر .

[۲] غرلوف ۳۹ ص ۳۹۰

وقوعه کلمه لیدر. تزايد ملکیت قانوننک اسباب موجبه سنده بر وجه آتی تعریف اولتور :

(۱) میراث و ہبہ طریقہ ملکیتک تزیادی (۱)

(۲) سیہ کولاسیون و بوکی طالع تصادف لریه ملکیتک تزیادی (اکرامیہ لری)

(۲) قيم اموالك تزايدى (اراضى ، مباني اسهام وتحويلات وسايره)

(۴) آرتریمه صورتیه تراکم ابتدیریلن ایرادلردن حاصل اولان ملکیت

دردنجی فقرہ دن کورلدیکی وجہله ملکیت ویرکیسی یالکیز سرمایہ (میراث)

اکبر امه قونث وقتور وسائره) دکل قسمأ ایراده دخی تعلق ایدر .

ویرکی درجہ لری بروجہ آتیدر :

تزايد	۵۰,۰۰۰	مارقه قدر اولورسه تزايدك %۷۵,۰۰۰
۱۰۰,۰۰۰	۰,۹۰	۰,۹۰
۳۰۰,۰۰۰	۱,۰۵	۱,۰۵
۵۰۰,۰۰۰	۱,۲۰	۱,۲۰
۱,۰۰۰,۰۰۰	۱,۲۵	۱,۲۵
یوندن یوقاری	۱,۵۰	۱,۵۰

ویرکی به تابع سرمایه ۱۰۰,۰۰۰ مارتی تجاوز ایدرسه سالف الذکر درجه لری یوزده

۱۰. دن یوزده بره قدر ضمیات اجرا ایدیایر . اک بویوک ضمیات اولان یوزده بر ۱۰

میلیون واوندن یوقاری سرمایه له مخصوصدر [۲]. ایکی تعرفدن هرخصوص ایچون

تجصيلی لازم‌الزمان ویرکینک مقداری میدانہ چقار. ویرکی به تابع اولمیان ۲۰۰۰ مارقدن

۱۰۰,۰۰۰ مارقه قدر اولان سرمايه دن ضميمات آلتيز . بوا حكام ايله مظهر مساعد.

اولان کوچك سرمایه دارلر ده ایکی امتیازه نائل اولیورلر .

۱ - اولاد امتیازی . اوچ اولاددن زیادہ مالک اولوب سرمایہ سی ۱۰۰,۰۰۰

مارقدن زیادہ سرمایہ سی اولیائٹر اوچدن صکرہ کی ہریر اولاد ایچون یوزدہ بش

تنزیلات اجرا اوانور

(۱) ملکیت ویرکیسنه میراث ویرکیسنه تابع اولان ملکیتلر دخی تابع بولمور .

[۲] ح‌زیران ۱۹۱۳ تاریخلی قانون ماده ۲۵

۲ — میراث امتیازی : میراث ۵۰,۰۰۰ مارق در عبارت اول بوده میراث مظهریت زماننده وارث ۲۱ باشندن دون اولورسه ۲۱ باشندن دون اولان هریراش ایچون یوزده بش بتزیلات اجرا اولتور .

ملکیت ویرکیسی هراوج سنهده بر طرح وهرسنه برر ثلث تأدیه اولتور . بویکی ویرکی حقنده ایکی نقطه نظر اعتباره عرض ایده چکیز . ملکیت ویرکیسی سرمایهنک تزیادینی مختلف اشکال ظهورده ویرکی به تابع طوتیور ، دول متحده طرفدن آریجه ایراد و سرماییه ویرکیلری طرح اولندیجه جهتله شکل اعتباریه مکرر ویرکی ماهیتنی حائر اولور ، شمده به قدر مرعی اولان تزیاید قیم ویرکیسی ابقا ایدیلیرسه برچوق احوالده ماده مکرر عد اولتور . بوسیدین دولای ۱۴ شباط ۱۹۱۱ تاریخی تزیاید قیم ویرکیسی ملکیت ویرکیسنک اقامه سی نتیجه سنده ۱ تموز ۱۹۱۲ تاریخندن اعتباراً لغو ایدلمشدر . دیگر طرفدن غرلوف [۱] طرفدن سرداولان و ملکیت ویرکیسی اصول تکالیفه نسبتله ماهیتنی ایضاح ایدن شو ملاحظات مصیبه بی نظر دفته عرض ایده چکیز : « شمده به قدر امپراطورلق الک بویوک وارداتی مستهلکیندن تأمین ایتدیکی حالده بوویرکی ایله مستهلک اولیانلر دخی ویرکی به تابع طوتیلیر » بونقطه نظرندن بوویرکی بالواسطه ویرکیلرینه قارشی موازنه خدمتی ایفا ایدر .

بوویرکی انجق ۱۹۱۷ تاریخنده موقع تطبیقه وضع اولنمی لازمکلدیکندن مالی نتیجه سی حقنده شمکیلک هیچ بر مطالعه در میان اولنه من .

میراث ویرکیسی — ملکیت ویرکیسی یوقاریده ایضاح اولندیجه وجهله اوج سنه لک تخمین مدتی طرفنده مکلفینه اصابت ایدن میرائلردن تحصیل اولتور . بوویرکی یالکزنسب دولایسیله اصابت ایدن میرائلره دکل صهریتدن دولای اصابت ایدن میرائلره دخی معطوفدر . میرائلرک دخی تزیاید ملکیت ویرکیسی زمره سنه ادخال ایدله سی پک طبیعی کورلمشدر . چونکه شمده به قدر میراث ویرکیسنده ورثه نك کنده ملکیتی نظراعتباره آلمه مشدی . بوندن ماعدا اسکی میراث ویرکیسنده برحیات ایکن وقوعبولان هبلر ویرکی ایله مکلف طوتیلمه مشدی . یکی تزیاید ملکیت ویرکیسی ایله بونواقصا کمال ایدلمشدر [۲] .

[۱] ص ۴۵۰ a a o

[۲] نسب صهریت دولایسیله اولان ورثه به مخصوص ویرکیلر امپراطورنه عائد واردات میانه ادخال ایدلمشدر .

بوندن ماعدا ۳ تموز ۱۹۱۳ تاریخی قانون ایله اساساً موجود اولان میراث ویرکوسی تعدیل اوله رقدها شدتلی احکام وضع اولمشدر. شوبله که ۱۹۰۶ قانونی ایله یوزده ۶-۴ درجه سنده ویرکی ویرن ایکینجی و اوچنچی درجه قارداش اولادلری یوزده ۸-۵ ویرکی ایله مکلف طوئمشدر. اولجه یوزدن اون ویرکی ایله مکلف طوتیلان ورثه (اوزاق اقربا و اقربا اولیانلر) یکی تعدیلات نتیجه سنده یوزده ۲۲ ایله مکلف طوتیلمشدر. بو ضمیات ایله ویرکی مکلفین صنفلرنده حد اعظمی اوله رق یوزده اوتوزه ابلاغ اولمشدر. میراث ویرکیسی ایله تزايد ملکیت ویرکیسنت براشمسی نتیجه سنده آلمانیاده اوله بر اصول تنکلیف پیدا اولمشدر که سائر محله رده کی میراث ویرکیسنته قطعاً قابل قیاس اوله من.

معدل میراث قانونی حقنده کی نتایج سنه لك اوله رق هنوز انتشار ایتمه مشدر. (نتیجه لر انجق ۳۱ مارت ۱۹۱۴) معلوم اولمشدر.

میلیون مارق اوله رق

۵۹,۷۸	۱۹۱۱-۱۲	۴۵,۵۶	۱۹۰۸/۰۹
۵۵,۰۳	۱۹۱۲-۱۳	۵۰,۵۳	۱۹۰۹/۱۰
۵۸,۸۱	۱۹۱۳-۱۴	۵۶,۷۸	۱۹۱۰/۱۱

دول متحده نك حصه لری اوله ۱۹۰۶ سنه سنده برنات ، ۱۹۰۹ برربع درجه سنده اولق اوزره تعیین ایدلمش ایکن بوندن صکره بشده بره تنزیل ایدلمشدر .

یکی اردو و دونما قانوننك استلزام ایتدیکی مصارف دائمه دولایسیله ملکیت و میراث ویرکی لری اولبایده کی لایحه ده بیله غیر کافی کورلمشدر. بناء علیه آچینی دوله ریمق ایچون یکی ویرکی لره مراجعت اتمک مجبوری حاصل اولمشدر . بو یکی تعدیلاتک اساسی معلوم اولدینی وجهله اهل یساری یوکسک ویرکی لره مکلف طوئمق ، و سرمایه دن محروم اولانلری حمایه ایتمکدن عبارتدر . بناء علیه یکی ویرکی لره رفاه حال امحاینه مخصوص تداول ویرکی لرنك توسیع ویا تزیددی دوشونلك ایجاب ایتمشدر .

بو تزیدد شرکت مقاوله لرینه مخصوص تمغا رسومنه معطوف اولمشدر . شرکت شکلری اره سنده بعضی فرقلر یاییلمشدر . شمدی به قدر حصه سندانی موقع تداوله چیقارلمسی زماننده یوزده اوچ تمغا رسومنه تابع طوئولدینی حالده یکی تعدیلات نتیجه سنده روسیایه

مخصوص تمغا رسومك الغاصبه برابر یوزده بر یحق ضم ایدلشددر . بوصولته ، سرمایه ابتدایه ، وبالاخره تزیدد اولتان سرمایه لر یوزده درت یحق رسومه تابع طوتلشددر . شمدی به قدر اسباب سیاسیه واقتصادیه دن دولای ایمبراطورلقده رسومدن معاف قالمش اولان اسهامه منقسم قوماندیت شرکتلرینه سرمایه ابتدایه وسرمایه منضمه نك یوزده اوچی نسبتنده برکی طرح وارضی آلم صائیمله اشتغال ایدن بو کی شرکتلر ایچون بورسوم یوزده بشه ابلاغ اولمشدر ، دیگر طرفدن اسباب اجتماعیه دن دولای عمله طرفندن کندیلمشده مخصوص مساکن انشاسی ایچون تشکیل ایدیلن شرکتلر یالکز یوزده ایکی یحق رسم ایله مکلف طوتیلمشدر .

دیگر شرکتلرک تأسیسی ایچون دخی رسم وضع ایدلشددر . مثلاً عادى تجارت وقوماندیت شرکتلرنده سرمایه نك ۱۰٪ ی نسبتنده رسومه تابع طوتلشددر . شرکتلره مخصوص تمغا رسومى ۱ تشرین اول ۱۹۱۳ تاریخنده موقع تطبیقه وضع اولندیغندن یالکز آلتی ایللیق نتایج الد ایدیله یلمشدر . قانون لایحه سبده بو حاصلات ۱۹۱۴ سنه سی ۴۱،۹ و ۱۹۱۵ سنه سی ایچون ۵۵،۹ میلیون مارق اولمق اوزره تخمین اولمشدر .

موجود اولان رسومك تزیدد وتوسیعندن ماعدا ۳ تموز ۱۹۱۳ تاریخلر قانون ایله سیغورطه پولیچه لرینه دخی یکی بر رسم طرح اولمشدر . شمدی به قدر سیغورطه پولیچه لرى یالکز دول متعده طرفندن رسومه تابع طوتلشدی ، فقط بو رسومك توحیدى كرك ایمبراطورلق وكرك سیغوریطه قومانیه لرى وكرك سیغوریطه اولان افرادك منافى ایجاناتندى . نته کیم ۱۸۶۹ تاریخنده چك وپولیچه ، ۱۷۷۸ تاریخنده اوپون کاغذلری رسومنده دخی عینی حال واقع اولمشدی . مع مافیه سیغوریطه اولانلر یکی قانون ایله دهآ غیر رسومه معروض قالمشدر . حریق سیغوریطه لرى مستنا اولمق اوزره هر نوع سیغوریطه لره شامل اولان بو یکی قانونده قبول ایدیلن الك مهم تعدیلات شوندن عبارتدر . اولجه سیغوریطه اولان مقداره كوره یالکز بر دفعه لى بر رسم آندینی حالده شمدی هر سنه سیغوریطه یدلیله برابر معین بر رسم تحصیل ایدیلور . نیتلر بوجه آتی تعیین ایدلشددر :

حیات سیغوریطه لرى ایچون سیغوریطه بدلاتندن یوزده یاریم

- | | |
|-------------------|-----------------------------|
| » سرقت زجاجیه | » یوزده اون |
| » قره ودکز نقليات | » یوزده یاریم ایله یوزده بر |

حریق سیغورطه لرنده منقول و غیر منقول دیه ایکی به تقریق اوله رق منقول ماللر هر بر مارق و کسوراتی ایچون $\% ۰.۱۵$ و غیر منقول ماللر $\% ۰.۰۵$ رسوم ایله مکلف طوتیلمشدر. هر نه قدر سیغوریطه لرده ویرکیدن معافیت حدودی ۳۰۰۰ مارق اولمق اوزره تعیین اولمش و بوضورتله واضع قانون طرفندن ال زیاده سرمایه لری محدود کیسه لره حمایه سی مقصدی تعقیب اولمشده یوقاریده ذکر اولنان اکثر سیغوریطه انواعنک قضاء، مسئولیت مالیه و حیوانات و طولو سیغوریطه لرنده ایلری سوریلن اسبابه تابع طوتله سی لازمکله چکی انکار اولمه من. بورسم بر طرفدن اک آز مکلف طوتله سی لازمکن اشخاصک غیر محق صورتده بویوک ارباب ملکیتدن زیاده ایکی قات اوله رق ویرکی به تابع طوتله سی دیمکدر. بوندن دولایی حیات سیغوریطه سنک ویرکی به تابع طوتله سی سیاست اجتماعی، و کوچ اعتبار سیاستی نقاط نظرندن موافق کوریه من. دیگر طرفدن بو ویرکیلر ایمر اطورلنک سیغوریطه قانونلرنده بر بوله منلر چونکه سیاست اجتماعی به مغایر اولدیفی کی دول متحده ده تطبیق اولنان ایراد ویرکی سنک اساسنه دخی منافی بولنیور. نه کیم دول متحده نک بعضلری اهالی بی سیغوریطه به تشویق و ترغیب مقصدیه سیغوریطه بدلاتی ایراد ویرکی سنک معاف طوتیورلر. علم مالی نقطه نظرندن دخی بو ویرکی موافق کوریه من. چونکه بوضورتله ویرکی اساسلری نک تقدیر و تخمیننده سیغوریطه بدلاتی مکلفینک قابلیت تحمیه اساسی نظر دقتدن دور قالیور.

سیغوریطه تمغار رسمی حاصلات صافیه سی ۱۹۱۴ سنه سی ایچون ۱۴.۶ و ۱۹۱۵ سنه سی ایچون ۲۰.۶ میلیون مارق اوله رق تخمین اولمشدر. بو حاصلاتک حقیقه آله ایدله سی پک شبه لیدر. چونکه برنجی سنه نک نصف اولنده یالکز ۷.۷ میلیون حاصلات ویرمشدر. ۱۹۱۳ سنه سنده اوچنجی دفعه اوله رق و قوغبولان ویرکی تعدیلاننده سرمایه دار صنفلرینک عسکری ویرکی، ملکیت ویرکیسی، تداول ویرکیلری سایه سنده فضله صورتده ویرکی به تابع طوتله سنه مقابل عینی زمانده بشقه نوع رسوم و تکالیفده عینی صنفلر ایچون بار تکالیفک تحفیف اولمشه سی نه مالی نه ده سیاست اجتماعی نقاط نظرندن محق کوریه من. ۱۹۰۹ تاریخی چک تمغا قانونی مالاً نتیجه مطلوبه بی تأمین ایتمدیکی و مطلوب اولان تقدسز تداولی اشکال ایدیکی ایچون ۱۹۱۶ تاریخننده لغو ایدله سی ایجاب ایتمشدر. بوندن ماعدا چوق حاصلات ویرن فراغ رسمی ۳۱ مارت

۱۹۱۷ تاریخندہ تعدیلی تقرر ایشدر . بوکا مقابل سا تشرین اول سنہ ۱۹۱۶ تاریخندہ تعلیق ایدیلن اسپرتو رسمی درجائنه دائر سا ۱۴ حزیران سنہ ۱۹۱۲ تاریخلی قانونندہ ذکر اولتان شکر رسمی تعدیلاتی دردنجی دفعه اوله رق تعلیق اولمشدر .
بوصورتله اعلان حرب زمانه قدر آلمانیاہ اصول تکلیفک تاریخی ومالی نقاط نظرندن ایضاح ایدلمش بولنیورسده وبرکی ماهیتی حائر دیگر برطاقم واردات دخی ذکر ایدلمسی ایجاب ایدر .

بوراده الک زیاده اداری ویا عدلی خرچلر موضوع بحث اولور . عدلی خرچلردن یالکز لایسیفده موجود وایمپراطورافه مخصوص محکمہ ایلہ قونسولاتو محکمہ لری خرچلری ایمپراطورلق خزینہ سنہ عائددر . بونلرک اهمیت مالیہ سی هیچ مثابه سندہ در .
صو، جاده ، لیمان، صو بندی، سیرسفان و قال رسملردن یالکز پائنته خرچلری وقایزہر ویلہلم قتالی رسمی حائر اهمیتدر . رسومند حاصل اولان واردات عمومیه سی بشده اوچی پائنته خرچلردن وبشده بری قال رسومند حاصل اولور . ۱۹۱۳ بودجه سی لایحه سندہ رسوم ایچون ۲۰ میلیون حاصلات تخمین اولمشدر : ۱۸,۸ اداری رسملر، ۱,۳ عدلی خرچلر . (۱)

ایستاتستیق خرچلری ماهیت مخصوصہ یی حائر برشیدر . بوخصوصده تحصیل اولتان مبالغ حد ذاتندہ خرج دکل وبنشاء علیہ ویرکیدن معدود اوله منر . (۲) بوخرج ایچق تجارت خارجیہ حقندہ موثوق وحقیقی معلومات احصائیہ تأمین مقصدینہ معطوفدر . بورسم اخبار ورقسنہ بربول الصاق ایتمک صورتیلہ آلینیور . خرجک درجه سی بالطبع یک دوندر . حاصلات بروجہ آتیدر :

۰,۰۵	مارق هر	۰۰۰	کیلو غرام آمبالاژلی مال ایچون
۰,۰۵	» » »	۱,۰۰۰	» » آمبالاژسز مال ایچون
۰,۱۰	» » »	۱۰,۰۰۰	» » قنطاریه ماللر ایچون
۰,۰۵	» » »		» » بش دیری حیوان ایچون

[۱] T. W. R. Zimmermann ۱۹۱۴ سنہ سندہ اعلان حرب زمانندہ آلمانیا ایمپراطورانی

الہ دول متحدہ نک مالی اداره لری . برلین ۱۹۱۶ ص ۶۷۴

[۲] آدولف واغندر (علم مالی I ص ۷۵۴) بوکا وبرکی ماهیتی وبرییور .

تجارت خارجیہ تک ترابری نسبتندہ ایستانتیق خرچلری حاصلاتی آرتهرق برنجی سنہ (۲۰) تموز سنہ ۱۸۷۹ تاریخی قانون) یاریم میلیون مارقدن عبارت ایکن ۱۹۱۳ سنہ سنہ ۲،۱ میلیونہ بالغ اولمشدر .

بانقنوط ویرکیسی دخی بالخاصہ شایان تذکاردر . اساس اعتباریلہ بورسم حدذاتندہ ویرکی ماہیتی حائر دکلددر چونکہ بو هرکسہ دکل یالکز بانقنوط چیقارار بانقنولرہ مخصوصدر . بورسم بالطبع تمتع صافیدن تنزیل اولنور و نتیجہ اعتباریلہ یالکز حصہ دارانک حصہ تمتعی تناقص ایدر . بورسمک آکلاشلہ سی ایچن آتیدہ کی ایضاحاتہ احتیاج وارددر . رایحسابانک تمتعہ ایمراطورلق خزینہ سنک اشتراک ایتہ سی کی واردادن عبارت برکیفیتدر و بناء علیہ بورادہ موضوع بحث اولہ مز . فقط حصہ تمتعہ اشتراکدن ماعدا خزینہ آریجہ بانقنوط ویرکیسی نامیلہ بعض واردات تحصیل ایدیور . رسم آنحق قانوناً معین مقداردن فضلہ بانقنوط اخراج اولندیقی تقدیردہ تحصیل اولنور . [۱] انکترہ ثابت ومعین مقدارلردہ بانقنوط اخراجی مشروط اولدیقی حالہ آلمانیادہ بانقنوط خصوصاً صندہ غیر ثابت اساسی جاریدر . رایحسابانک ایچون اوچدہ برقارشولق بولنہ سی مشروطدر . یعنی موقع تداولدہ بولتان رایحسابانک نوطلری اتمانک اوچدہ بری عیناً قارشولق بولنہ ایدر . « bar » [۲] برقارشولقی بانقنوط مقدارندن باشقا رایحسابانک رسمدن معاف اولق اوزرہ بر مقدار بانقنوط اخراجہ مأذوندر . ۱۸۷۵ تاریخی رایحسابانک قانونندہ وقوعبولان مختلف تعدیلات ایله رسمدن معاف بانقنوط یواش یواش تزید اولنورق ۱۸۷۶ سنہ سنہ ۲۵۰ میلون ایکن ۱۹۰۹ سنہ سنہ ۵۵۰ میایونہ ابلاغ اولمشدر . صوک تعدیل ایله هراوج آیلق دورہ نہایتندہ ، رسمدن معاف بانقنوط مقدارینک ۷۵۰ میلون مارقه قدر ابلاغہ جواز ویرمشدر . [۳]

- [۱] رایحسابانقدن باشقہ آلمانیادہ بانقنوط چیقارمنہ مأذون سو بانقنولر وارددر : باویہرا ، ساقسونیا ، وورتمبرغ ، وبادن حکومتلریک رسمی بانقنولری .
- [۲] عیناً قارشولق (۱) قاصدہ موجود آلمان مسکوکاتی (یالکز آلتون دکل) (۲) خزینہ غویلاتی (۳) دیگر آلمان بانقنوط بانقنولریک (۴) کواچہ آلتون ویاخود اجنبی مسکوکات .
- [۳] بوتزیدہ بودورہ نہایتندہ حاصل اولان فوق العادہ پارہ احتیاجی دولایسیلہ مساعده اولمشدر .

رايحه سائق سالف الذكر مقدار لرى تجاوز ايدرسه باقنوط رسمنه تابع ولور. مقدار معيّن فضل اوله رق اخراج اولئان باقنوطلر ايچون سنوى يوزده بش رسم ويريلير . باقنوط رسمى حاصلان حيات اقتصاديه نك درجه انكشافه كوره تبدل ايدر [۱]. هر هفته انتشار ايدن رايحه سائق پيلانچولر ندين مذكور باقنه نك رسمه تابع اولوب اولديني وتابع اولديني تقديرده نه درجه به رسم ويرديكى اكلاشيله بيلير. ايمپراطورلك بودجه سى ايچون بورسك و اردات باقنه نك تمتعات صافيه سنه [۲] اولان حصه اشتراكه نسبتله اهميتىز بر درجه ده در: باقنوط رسمى و اردات ۱۹۰۰ سنه سنه ۲۰۵، ۱۹۱۶ سنه سنه ۱۹۹ ميلون مارقدين عبارت اولمشدر .

بوصورتله آلمان اصول تكليفى اعلان حربيه قدر تعقيب ايتش اوليورز . شمدى آرتق يالكز بر نظر عمومى عطف ايتك ايتجاب ايدر .

كومروك رسمى داخل اولديني حالده بوتون آلمان اصول تكليفه بر عطف نظر اولنورسه برنجى مقاله نك صوكنده سرد اولئان مطالعاته ارجاع كلام ايتك لازمكلىر . اوراده ملتك كومروك رسومنك تشكين ايتديكى بار تكليف حقنده كى تدقيقاً نتيجه آتبه به منجر اولمشدر : كومروك رسومنك صوك تعديلاتيله خلقه مخصوص مواد استهلاكه اوزرينه باواسطه تحمیل اولئان رسومه سياست ماليه نقطه نظر ندين انجق قابليت تكليفه اساسه ايرات اولئان خلله مقابل ملكيت و ايراد و پاخود بر تداول و بر كيسى طرح ايتك صورتيله بر موازنه تاسيس اولديني تقديرده حق نظريه باقيه بيلير .

اوندن صكره كى مقاله لوده كومروك كن ماعدا رسوم حقنده وقوعبولان تدقيقات شو قتيجه به منجر اولمشدر : آلمان ياده آنجق ۱۹۰۶ ، ۱۹۰۹ ، ۱۹۱۳ سنه لر ندين برى حقيقى بر ملكيت و بر كيسى موجود بولونيور ، بوكا مقاتل تداول رسومى اشكال مختلفه ده اوزون مدتدنبرى موجود ايدى .

رسوم و تكاليف يالكز و اردات نقطه نظر ندين تدقيق اولنورسه اكلاشيلير كه : رسوم و تكاليف حاصلاتى دولتك و اردات عموميه سنه نسبتله ۱۹۰۲ ده ۸۸،۹ دن عبارت ايكن ۱۹۱۳ ده يوزده ۷۵،۶ به نزل ايتمشدر . دولتك و اردات سائر رسمى عيى مدت ظرفده ۱۱،۱ دن ۲۴،۴ بالغ اولمشدر . مكلفين ايچون بوتبدل بك مهم محسنانى حائزدر . كومروك رسومى ايله تكاليف آيرى آيرى كوزدن كچيريليرسه بومحسنان ده از ياده نظام ايدر : كومروك رسومى حاصلاتى و اردات عموميه به نسبتله

[۱] رسمه تابع جوق باقنوط اخراجنه احتياج حاصل اولورسه باقنه فائض درجه سنى تربيد ايدر .

[۲] ۱۹۱۶ بودجه سنه حصه تمتع ۱۶،۹ ميلون مارق تخمين ايدلشدر .

بومدت ظرفنده $\% ۹۹,۹$ دن $۳۰,۵$ دوشمشدر. حالبوکه تکالیف حاصلاتی $\% ۳۹,۰$ دن $\% ۵۰,۱$ چیقمشدر. بوسورت انکشافک اهمیت اجتماعی سی میدانده در. اولجده ایضاح اولندینی وجهله تأثیرات اعتباریله افرادک قابلیت تکلیفیه سنی نظراعتباره آلمه رق تطبیق اولنان رأس ویرکیسی دوچار نزل اولدینی حالده (واردات خزینه نقسه نظرندن) قابلیت تکلیفیه اساسنه کوره تطبیق اولنان تکالیف اصول تکلیفده عمومی یوک دها آغیر اولمشدر.

تکالیف وارداتی استهلاك، تداول و ملکیت رسوم اوله رق اوچ زمره به تقسیم اولنه رق استهلاك رسومک باشلیجه اوله رق عوام ناسه دیگر ایکی زمره نک رفاه حال اصحابنه تعلق ایتدیکی نظراعتباره آلمه رق رفاه حال اصحابنک دها آغیر یوکله تابع طوتلیدی میدانه چیقار. شویله که: استهلاك رسوم حاصلاتی واردات عمومی به نسبتله $\% ۳۶,۴$ دن $\% ۳۰,۷$ دوشمش تداول و ملکیت رسوم $\% ۲,۶$ دن $\% ۱۴,۴$ بالغ اولمشدر.

اوحالده اکلایلیور که آلمانیاده کومروک ووبرکی سیاستلرینک صورت انکشافی خزینه نقطه نظرندن یک مساعد صورتده انکشاف ایتشدور.

مع مافیه شوراسنی اونوتمه ملیدر که یوقاریده سرد ایدیلن رقم یالکز خزینه نک منافعی کوسترر حالبوکه مکلفین نقطه نظرندن هیچ برمعنا افاده ایتیهور.

بوراده شونیده خاطره کتیرمک لازمکیر که آلمانیاده هر بر فردک درجه مکلفیتی حقنده بر فکر تام پیدا ایتک اوزره یالکز ایمپراطورلق طرفندن طرح اولنان رسوم و تکالیفی نظراعتباره آلمق کفایت ایتز چونکه ایمپراطورلقده حاکم اولان بالواسعه ویرکیلردن ماعدا دول متحدهده حاکم اولان بلاواسطه ویرکیلرده واردور. شمیدی به قدر دول متحده موجود اولان رسوم و تکالیفدن هیچ بحث اولندینی ایچون بوراده هر بر آلمان فردینک حقیقی درجه مکلفیتی ایضاح و تعیین ایتمکدن صرف نظر ایدیورز. شمیدیلک یالکز ایمپراطورلق طرفندن تحصیل اولنان رسوم و تکالیف موضوع بحث اولیور. وهر بر فرده تحصیل اولنان یوک انکشاف تاریخیسی تعقیب اولونیور.

بومقصده آتیده کی جدوله آلمان ایمپراطورانی تکالیفک ۱۸۷۲ ، ۱۸۸۳ ، ۱۸۹۳ ، ۱۹۰۳ ، ۱۹۱۳ سنه لرینه مخصوص حاصلات غیر صافییه سی (۱) باشلیجه درت زمره به تفریق اولنه رق هر بر زمره نک وهر بر ویرکینک هر بر فردی درجه به قدر مکلف طوتلیدی کوسترلشدور.

[۱] ویرکینک تشکیل ایتدیکی بار تکلیف اتحق حاصلات صافییه سی تدقیق ایتک صورتیله میدانه چیقه بیلیر.

آلمانیا ایمپراطور لفظہ نقوس باشندہ ویرکی

۱۸۸۳		۱۸۷۲		استهلاك رسومی
۰,۵۶	۱۹ ۱۹۵	۰,۰۷	۱۱ ۱۴۳	بیرا
۱,۳۴	۴۸ ۹۱۱	۱,۳۵	۴۱ ۹۸۲	اسپیرتو
۰,۹۳	۴۲ ۲۲۶	۰,۹۱	۳۷ ۴۱۳	طوز
۰,۸۱	۳۷ ۰۰۳	۰,۵۱	۲۱ ۰۸۰	سیگارہ توتون
۱,۰۵	۷ ۷۸۸	۱,۲۳	۵۴ ۸۰۶	شکر
۴,۶۹	۱۹۵ ۱۲۳	۴,۴۷	۱۶۶ ۴۲۴	یکون
				تداول رسومی
۰,۳۱	۱۴ ۳۱۲	—	—	۱ پورسہ رسومی پیانقو و اوپون کاغذ لری تقاسمی داخل
—	—	—	—	۲ نقلیہ اوراقتہ مخصوص تمغا
—	—	—	—	۳ شرکت معاوہ لری و تالون تمغالی
—	—	—	—	۴ قراغ رسومی
۰,۱۵	۶ ۷۹۷	۰,۱۹	۷ ۸۴۹	۵ پولیچہ و جک تمغا رسومی
—	—	—	—	۶ سیقوربطہ تقاسمی
۰,۴۶	۲۱ ۱۰۹	۰,۱۹	۷ ۸۴۹	یکون
				احتشام ویرکولری
—	—	—	—	۱ سیاحت بیلنرینہ مخصوص رسوم
—	—	—	—	۲ بخاری و سائط نقلیہ یہ مخصوص رسوم
—	—	—	—	۳ مواد غذائیہ
—	—	—	—	۴ مواد احراقیہ
—	—	—	—	۵ شامبانیہ رسومی
—	—	—	—	یکون
				ملکیت ویرکیلری
—	—	—	—	۱ تزیاید قیم ویرکیسی
—	—	—	—	۲ میراث
—	—	—	—	۳
—	—	—	—	۴ مدافعتہ ملیہ
—	—	—	—	۵
—	—	—	—	یکون
۵,۱۵	۲۱۶ ۲۳۲	۴,۶۶	۱۷۴ ۲۷۳	یکونہ عمومی

مواصلات غیر صافیه سی در درجہ تکلیفیت

۱۹۱۳		۱۰۹۳		۱۸۹۳	
۲,۷۳	۱۴۵ ۸۹۰	۰,۸۴	۳۹ ۰۳۴	۰,۷۹	۳۰ ۶۴۳
۳,۳۲	۲۲۱ ۵۶۳	۲,۴۶	۱۴۵ ۴۶۶	۲,۹۶	۱۵۱ ۲۹۹
۰,۹۵	۶۴ ۲۹۲	۰,۹۴	۵۵۱ ۵۱۳	۰,۹۱	۴۶ ۵۱۶
۲,۷۱	۱۸۰ ۷۰۱	۱,۱۷	۶۹ ۶۱۰	۱,۰۶	۵۶ ۰۳۱
۲,۷۱	۱۸۱ ۷۴۶	۲,۱۸	۱۲۹ ۷۰۷	۱,۶۰	۸۲ ۲۳۱
۱۲,۴۲	۷۹۴ ۱۹۲	۷,۵۹	۴۳۹ ۳۳۰	۷,۳۵	۳۶۶ ۸۲۰
۱,۹۶	۱۳۲ ۹۳۷	۱,۲۷	۷۴ ۸۰۷	۰,۴۶	۲۲ ۰۴۴
۰,۲۹	۱۹ ۵۹۰	۰	۰	—	—
۰,۳۱	۲۰ ۶۸۰	—	—	—	—
۰,۵۳	۳۵ ۴۱۶	—	—	—	—
۰,۳۵	۲۳ ۶۳۵	۰,۲۱	۱۲ ۵۰۹	۰,۱۶	۸ ۱۷۵
۰,۱۱	۷ ۶۸۳	—	—	—	—
۳,۵۵	۲۳۹ ۹۴۱	۱,۴۸	۸۷۳۱۶	۰,۶۲	۳۱ ۲۱۹
۰,۳۷	۲۴ ۸۰۱	—	—	—	—
۰,۰۷	۴ ۹۱۰	—	—	—	—
۰,۲۷	۱۷ ۵۷۱	—	—	—	—
۰,۳۲	۲۱ ۷۱۵	—	—	—	—
۰,۱۹	۱۳ ۲۹۸	۰,۱۲	۷ ۰۴۶	—	—
۱,۲۲	۸۲ ۲۹۵	۰,۱۲	۷ ۰۴۶	—	—
۰,۲۳	۱۵ ۳۲۳	—	—	—	—
۰,۸۸	۵۸ ۸۰۲	—	—	—	—
—	—	—	—	—	—
۰,۱۱	۷ ۲۴۵	—	—	—	—
۰,۰۱	۸۲۱	—	—	—	—
۱,۲۳	۸۲ ۱۹۱	—	—	—	—
۱۷,۴۲	۱ ۱۹۸ ۶۱۹	۹,۱۹	۵۳۳ ۶۹۲	۷,۹۷	۳۹۸ ۰۳۹

پوراده شوراسی نظر دفته آلمق لازمکیر که ۱۹۱۳ تاریخنده قبول اولسان یکی ویرکیلر هنوز تأثیرات مالیه سی ابراز ایده، مشدر . حقیقی یوک ارقامده کوستریان درجه دن یک فضلدر . [۱]

یوقاریده کی جدولدن نه نتیجه لر چیقار ؟ ۱۸۷۲ سنه سنده نفوس باشنه مکلفیت ۴،۶۶ مارقدن عبارت ایکن ۱۹۱۳ سنه سنده ۱۷،۴۲ مارقه یعنی همان درت مثله بالغ اولمشدر . ۱۹۰۳ سنه قدر تزیاید یکی مثله بیله بالغ اوله مشدی انجیق بومدن صکره سریع بر تزیاید وقوعبولمشدر . یوقاریده کی ارقامده کومروک رسومنک تحمیل ایتدیکی یوک داخل دکلدر . یالکز بیرا ، طوز ، اسپرتو ، توتون ، شکره مخصوص کومروک رسومی داخل رسوم استهلاک یله برابر حساب اولدیغندن بوارقامه داخل بولونیور . کومروک رسومنک تحمیل ایتدیکی یوک نظر اعتباره آلبرسه مکلفیت عمومی بوجه آتی نظاهر ایدر .

نفوس باشنه مارق اوله رق

۱۸۷۲	۱۸۸۳	۱۸۹۳	۱۹۰۳	۱۹۱۳	
۴،۶۶	۵،۱۵	۷،۰۷	۹،۱۹	۱۷،۴۲	ویرکیلر
۲،۰۸	۳،۹۶	۶،۰۹	۸،۰۰	۸،۷۴	کومروک رسومی
۶،۷۴	۹،۱۱	۱۴،۰۶	۱۷،۱۹	۲۶،۱۶	یکون

کومروک رسومنک تحمیل ایتدیکی یوک علاوه سیله یوقاریده استحصال اولنان نتیجه لر تبدل ایتمه مشدر مکلفیت عمومی نفوس باشنه ینه درت مثله بالغ اولمشدر . ویرکیلر یوکدن درت مثل درجه سنده تزیایدی انجیق ۱۸۷۲ دن ۱۹۱۳ سنه قدر ماتک رفاه حالده و ثروت عمومی سنده حاصل اولان ترقیاتی نظر اعتباره آلمق صورتیله محق کوربله بیلیر . مع مافی بومستله یی پوراده دها زیاده ایضاحه قالمشقم صدیمزک خارجنده در . یالکز برقاج سوزله اکتفا ایده جکز .

[۱] یکی معلومات ایستاتستیکه هنوز انتشار ایتمه مشدر .

شمولار پروسیانک ۱۸۷۲ تاریخنده کی ایراد ملیسی ۷ میلیارد مارق اولق اوزره تخمین ایتشدرد. [۱] دیگر دول متحده ک ایرادینی دخی عینی درجه ده فرض ایدرسه ک بوتون آلمانیانک ایراد ملیسی ۱۲ میلیارد بالغ اولور. هلفه ریج ۱۹۱۳ تاریخچی ایچون آلمان ایراد ملیسی ۴۰ میلیارد اولق اوزره تخمین ایدیور [۲] اوحالده وبرکی یوکنک دوت مثلی تزیادینه مقابل ایراد ملی اوج مثل تزیاد ایتشدردیمکدر. یوکنک تزیاد حقیقیسی نسبتاً پک محدود بر درجه ده در. ارقامک صحت و اصابتی حقه ده شبه اولنسه بیله عمومیت اعتباریله یه نتیجه تبدل ایتزد.

هر بر فردک نه درجه ده قدر رسوم و تکالیف تابع اولدینی مسئله سنی ده یقیندن تدقیق ایتک ایچون یوقاریده کوستریان جدوله کوردلیکی وجهله رسوم و تکالیفی مختلف زمره له آیرمق لازمکلیر. برنجی ۳۰ سنه ظرفنده نفوس باشه اصابت ایدن حصه ک اک مهم قسمی استهلاک رسومه تعلق ایدیوردی: ۱۸۷۲ سنه سنده $\% ۹۵,۹$ ۱۹۰۳ سنه سنده $\% ۸۲,۵$ ۱۹۱۳ سنه سنده $\% ۷۱,۳$ بوارقامک تناقصی صوک زمانلرده اجرا اولتان اصلاحات مالیه دن الیری کلیر. بوضورتله یوک رفاه حال اصحابنه انتقال ایتشدرد: تداول و ملکیت رسوم نفوس باشه $\% ۲۷,۴$ بالغ اولشدرد.

احتشام رسوم ایچون رفاه حال اصحابیله عوام ناس اره سنده بوکی فرقلر کوزه دیله مز. چونکه یولجیلره مخصوص بیلت (یا لکیز درنجی صنف رسمدن معافدر) تنوریه، احراقیه رسوم نفوسیه سز دخی تأدیه ایدر. بوکامقابل سرمایه سز آدمیر تداول رسومندن معدود اولان سیغوریطه رسومه دخی آز چوق تابع بولونیور.

نتیجه اوله رق شوجهلر تعین ایدیور. هر نه قدر صوک قرق سنه ظرفنده رفاه حال اصحابیله سرمایه سز اهالی حقه ده تعقیب اولنان سیاست مالیه ده اجتماعی نقطه نظرندن بعض آثار ترقی حصوله کلدیکی و بوترقیاتک وبالخاصه صوک زمانلرده کوزه چاریمقه باشلادینی آشکار ایه ده ۱,۲ میلیارد مارق بالغ اولان رسوم و تکالیفدن رفاه حال اصحابنه اصابت ایدن حصه یا لکیز ۳۴۳ مارق یعنی $\% ۲۷,۸$ بالعموم اهالی به یوکه نیور. بوضوک مبلغ اک بویوک قسمی یعنی ۷۹۴ میلیون مارقک یا لکیز بیرا، اسپر تو، طوز، توتون و شکره

[۱] اقتصاد ملی اساسلری ایکنجی قسم صحیفه ۱۳۹

[۲] آلمانیانک رفاه ملیسی ۱۸۸۸-۱۹۱۳ برلین ۱۹۱۳ صحیفه ۹۹

مخصوص رسوم استهلاک‌دهن یعنی عمومی و قسماً ضروری اولان حوالیج‌دن حاصل اولدینی و بومکلفینک صنوف اهالی اوزرینه مختلف صورتلرده و حتی معکوساً متری بر صورتده اجرای تأثیر ایتدیکی [۱] نظر اعتباره آلتیرسه تکالیفک مختلف صنوف اهالی‌یه اقسام و توزیعده مشهود اولان عدم مساوات ده‌ها زیاده‌کوزه چارپار .

بوکا اولجده کوس‌ترلدیکی وجهله کومروک رسومک صنوف اهالی اوزرینه اجرا ایتدیکی تأثیرانده کوریلان و صوک زمانلرده ده‌ها زیاده کسب شدت ایدن عدم مساوات دخی انضمام ایدر .

بالکیز حیوانات ، توتون ، قهوه ، پترول ، جنوب میوه‌لری ، میوه‌لر ، ساده یاغ ، ات ، تره‌یاغی ، برنج ، حیوانات غذیه و شربه ، پنبه ، میورطیه مخصوص کومروک رسوم . توتون کومروک حاصلاتنک یوزده ۷۶،۸ ینی تشکیل ایدر . [۱] بونلر مواد غذاییه و استهلاک‌دهرکه بلااستثنا فقیر ، زنکین بالجمله صنوف اهالی طرفدن استعمال اوللور . بوراده دخی رسوم استهلاک‌یه ایچون ایضاح اولدینی وجهله مکلفیت معکوساً متناسب بر صورتده اجرای تأثیر ایدر یعنی سرمایه‌سز صنفلر ده‌ها زیاده رسومه تابع اوللور .

بواضاخاندن آلمانیده ایلریده قوانین و سیاست مالیهده تعقیب اولنمسی لازمکن غایه‌کندی کندینه میدان چیقار . حرب عمومی اولسه بیله « فعالیت دولتک تزیادی » بولنده کوریلان تمایل دولایسیله بار تکالیف مطلقاً تزیید و تشدید اوله‌جقدی . رسوم استهلاک‌یه‌نک تأثیراته قارش بر موازنه تأسیس ایتک اوزره اساساً قبول و تطبیق ایدلمش اولان بلا واسطه ملکیت ویرکیلرنده ده‌ها ایلری کیدلمسی ضرورتی حاصل اوله‌جقدی . آلمانیا ایمپراطورلنی دول‌متحده‌دن عبارت اولدینی و دول متحده‌ده دخی ایراد و ملکیت ویرکلیری بولدینی جهتله بوخصوصده ایلری کیتمک پک کوچ اوله‌جقدی . مع‌مافیه مقصده وصول ایچون بشقه یوللر بولنه‌بیله‌جکدی . بوجهله‌دن اوله‌رق ایمپراطورلغه مخصوص وراثت ویرکیلرینک تزیید و توسیع و خزیننه‌نک منفعتنه اوله‌رق اوزاق اقربانک میراندن محرومیتی ، وصایت‌حقوقنک تمیدینی یکی تداول ، تزیید قیم ، و مزینات رسومی خاطره کتیرمه‌لیدر . توتون و اسپرتوکی بعض رسوم استهلاک‌یه‌نک انحصار شکله‌قلی ،

[۱] بو حقیقت احصائیات مالیه ایلله ثابتدر .

و شرابه مخصوص یکی رسم طرحی کبی واسطه لوله عدم ناسه بویوک بریوک تحمیل ایتمه دن یکی منابع واردات پیدا ایتمک ممکن اوله جقدی . محاربه دن اول طرحی لازمکن و قسماً طرح اولنان بو رسوم جدیده نك شمدی به قدر طرح اولنمه مه سی اسباب مخصوصه دن ایلری کلیر . یواسایک باشلیجه سی سیاست اجتماعی به متایل حکومتك سیاستی ایله فرقه منافعی ترویج ایدن مجلس مبعوثانك سیاستی آره سنده موجود اختلافدن عبارتدر . حرب عمومینك وجوده کتیردیکی فوق العاده احتیاج مالی دولایسیله بومسائلك و بونك کبی دها بر چوق یکی رسوم و منابع وارداتك تدقیق و تطبیق ایجاب ایده جکدر . شمدی به قدر آلمانیا ایمپراطور لغنده کوچك بویوک بر چوق اصلاحات مالیه وقوعبولمشده حقیقی بویوک اصلاحات مالیه انجق محاربه دن صکره کوریله بیله جکدر کوچك اصلاحات ایله متردد اجراءات ، یاریم تدابیر ایله فوق العاده صورته تزايد ایدن احتیاجات مالیه ایچون قارشولق بولنه میه جقدر . ایلریده تعقیب اولنه جق غایه یالکز و سائط مالیه نك تدارکندن عبارت اوله یوب اصلاحات مالیه ده یکی سیاست اجتماعیه اساسلرینك دخی رطایت اولنمه سی دخی ایجاب ایده جکدر بو غایه بی تأمین ایچون سیاست اجتماعیه ده اساساً بك مترقی اولان منافع خزینه ایله سیاست اجتماعیه اساسلری بیتنده موازنه تأسس ایتمه سی کفایت ایتمه یوب مجلس مبعوثانك دخی بار تکالیفك تقسیم و توزیضده عدالت اجتماعیه نك اساسلری دها قوی بر صورنده قبول و تصدیق ایتمه سی ایجاب ایده جکدر . محاربه نك یالکز ممالك سارنده دکل آلمانیاده دخی حصوله کتیردیکی داخلی مجادله لر وجدان اجتماعیك محاربه دولایسیله دها قوتلی صورنده انکشاف ایتدیکنی و مسائل مالیه نك حل و تسویه سنده دخی بوانکشافك تأثیراتی مشهود اوله جفنی اراؤه و اثبات ایدر .

علم مالی مدرسی دو قنور
آئوره قدره

مترجمی : علم مالی مدرس معاونی
م . قوهی

